



Ned ning sēn wēen n yeel a wēenegē wā: ne a Laat la a ‘Uzzaa, bi a yeele: "Laa ɫaaha ɫla Allaah= soab sēn na n tū sɪd-sɪd ka be, sā n pa yɪ ne Wēnde", la ned ning sēn yeel a tūud-n-taag: wa tɪ m maan tɛntɛɛg ne-fo, bi a maan doaaga

Yii a Abu Hurayrat nengē (Wēnd yard be a yīnga) a yeelame: Wēnd Tēn-tuuma (Wēnd puusg la A tɪlgr be a yīnga) yeelame: «Ned ning sēn wēen n yeel a wēenegē wā: ne a Laat la a ‘Uzzaa, bi a yeele: "Laa ɫaaha ɫla Allaah= soab sēn na n tū sɪd-sɪd ka be, sā n pa yɪ ne Wēnde", la ned ning sēn yeel a tūud-n-taag: wa tɪ m maan tɛntɛɛg ne-fo, bi a maan doaaga».

[Naşun Şahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamā (Wēnd puusg la A tɪlgr be a yīnga) bugsdame n yi wēeneg ne zēng sēn ka Wēnde, tɪ bala sɪd-kōt ka sōmb ne wēene rēnda ne Wēnde, la a kōt kibare tɪ ned ning sēn wēena ne zēng sēn ka Wēnde, wala -Laat la a ‘Uzzaa- la bāmb b yiibā rag n yaa rubse Zulemā wakato, taoor tɪ lɪslaangā na n ka wa- rēnd yaa tɪlae ne-a t'a yeele: "Laa ɫaaha ɫla Allaah= soab sēn na n tū sɪd-sɪd ka be, sā n pa yɪ ne Wēnde", n zāag a meng ne lagem-n-taarā, la yaa kaffaarat (yaood) a wēeneg-kāngā yīnga. Rē poorē tɪ Nabiyaamā (Wēnd puusg la A tɪlgr be a yīnga) kō kibare, tɪ ned ning sēn yeel a tūud-n-taag: wa tɪ d reem tɛntɛɛg -la yēnda yaa b maan pōs-taaba bāmb b yiibā ne taab suka maa sēn yuud rē, tɪ ned ning sēn tōoga b sukā, a rukda ligdi, bāmb b yiibā suka ned n paamde maa a konge-; rēnd b buu nonglem t'a a maan doaag ne būmb tɪ yaa kaffaara a sēn bool n tug būmb ningā yīngā.

<https://sunnah.global/hadeeth/mos/show/6379>

